



REPUBLIKA E SHQIPERISË
BASHKIA GRAMSH
DREJTORIA E SHËRBIMEVE DHE MBROJTJES SOCIALE

Nr. 3359 / prot.

Gramsh, më 08.09 /2025

RELACION

PËR
MIRATIMIN E PLANIT VENDOR TË VEPRIMIT
PËR BARAZINË GJINORE
2025-2027

KËSHILLIT BASHKIAK
GRAMSH

Të nderuar Këshilltarë!

Në kuadër të Ligjit nr. 139/2015 "Për vetëqeverisjen vendore, Ligjit 121/2016 "Për shërbimet e kujdesit shoqëror në Republikën e Shqipërisë, Ligjit nr 9970 datë 24.07.2008 "Për barazi gjinore në shoqëri", si dhe Kartës Evropiane për Barazinë Gjinore të nënshkruar në 30 Qershor 2021, është hartuar Plani Vendor i Veprimit për Barazinë Gjinore 2025-2027 për Bashkinë Gramsh.

Plani Vendor i Veprimit për Barazinë Gjinore (PVVBGJ) 2025 – 2027 u përgatit nga Bashkia Gramsh, si mjeti kryesor i zbatimit të angazhimeve publike për barazinë gjinore, të ndërmarra nëpërmjet nënshkrimit të Kartës Evropiane për Barazi të grave dhe burrave në jetën vendore. Bashkia Gramsh e ka nënshkruar këtë Kartë, të përgatitur nga Këshilli i Bashkive dhe Rajoneve të Evropës, në 30 qershor 2021, duke ndërmarrë kështu një angazhim publik për të hedhur hapa konkretë dhe të duhur për bërjen realitet të barazisë gjinore në Gramsh. Ky plan veprimi u hartua përmes një procesi ndërveprues dhe gjithëpërfshirës, në bashkëpunim dhe konsultim me institucionet publike vendore, organizatat e shoqërisë civile, akademinë, median, bizneset, Këshillin Rinor, Aleancën e Grave Këshilltare dhe antarë të Këshillit Bashkiak e Komisionit të Barazisë Gjinore, pjesë e këtij Këshilli. I gjithë procesi u mbështet nga UN Women Shqipëri në kuadër të Projektit të Përbashkët të Kombeve të Bashkuara "Bashkimi Evropian për Barazinë Gjinore në Shqipëri: "Zbatimi i Kuadrit Ligjor (Acquis) të Bashkimit Evropian për Barazinë Gjinore" (EU4GE), që po zbatohet nga UN Women dhe UNFPA dhe financohet nga Bashkimi Evropian, përmes Fondit të Përsheptimit të Objektivave të Zhvillimit të Qëndrueshëm (OZHQ) të Kombeve të Bashkuara në Shqipëri.

Fushat kryesore të ndërhyrjes.

PVVBGJ 2025 – 2027 përbëhet nga katër fusha kryesore të ndërhyrjes, të cilat jo vetëm kanë në përmbytje nene të ndryshme të Kartës Evropiane për Barazi, por janë harmonizuar edhe me një pjesë të objektivave specifike të Strategjisë Kombëtare për Barazinë Gjinore 2021 - 2030,

Adresa: Sheshi "Kamber Dermyshe" Bulevardi "10 Korriku", E-mail: bashkia.gramsh@bashkiagramsh.gov.al

sidomos ato që përmbajnë masa dhe veprime specifike ku përgjegjës kryesorë për zbatim janë NJVV-të. Këto fusha ndërhyrjeje janë:

- I. Përpariminë kuadrin e përgjithshëm të barazisë gjinore.
- II. Zvogëlimi i stereotipeve gjinore, praktikave të dëmshme, diskriminimit dhe disavantazhimit të shumëfishtë.
- III. Përparimi drejt punësimit dhe zhvillimit ekonomik të ekuilibruar dhe të qëndrueshëm.
- IV. Rritja e nivelit të sigurisë, mbrojtjes dhe efikasitetit të qasjes shumë-sektoriale të koordinuar për gratë, të rejtat, vajzat si dhe burrat, të rinjtë e djemtë, në hapësirat publike e private.

Secila nga këto fusha të ndërhyrjes është zbërthyer më tej në rezultatet e pritshme, objektivat specifike, treguesit e matjes së tyre, si dhe në masa e veprime konkrete, të cilat detajohen në matricën e planit të veprimit, ku jepet një informacion më i plotë si për zbatimin dhe vlerësimin e rezultateve, ashtu edhe përsa u përket neneve specifike të Kartës Evropiane, si dhe dokumentave të tjerë kryesorë ku mund të referohemi në përmbushje të veprimeve të parashikuara nën secilën fushë ndërhyrjeje.

Përparimi dhe efektiviteti në zbatimin e PVVBGJ kërkon domosdoshmërisht vënien në dispozicion të burimeve të nevojshme dhe të mjaftueshme njerëzore, financiare e infrastrukturore, si dhe koordinimin e veprimeve dhe bashkëpunimin ndërinstitucional me institucionet e tjera vendore, organizatat e shoqërisë civile, si dhe organizatat ndërkombëtare të cilat punojnë për fuqizimin e grave dhe arritjen e barazisë gjinore. Mbledhja dhe përditësimi rregullisht i të dhënave të ndara jo vetëm sipas seksit, por edhe sipas një tërësie karakteristikash të tjera individuale, monitorimi i vazhdueshëm mbi ecurinë e zbatimit të veprimeve të parashikuara, si dhe transparencja e llogaridhënja për rezultatet e arritura, janë gjithashtu domosdoshmëri për të avancuar drejt vizionit për të udhëhequr këtë PVVBGJ.

Objektivat kryesore;

Objektivi 1

I.1. Rritja e përgjegjshmërisë dhe transparencës në përmbushjen e angazhimeve publike për barazinë gjinore.

I.2. Zbatimi i detyrimeve për integrimin gjinor dhe buxhetimin e përgjigjshëm gjinor në nivel vendor.

Objektivi 2

II.1. Edukimi i shoqërisë me parimet e barazisë gjinore.

II.2. Investimi në prindërimin pozitiv.

Objektivi 3

III.1. Përshkallëzimi i veprimeve për të sfiduar stereotipet gjinore në punësim dhe për të balancuar sipas mundësive jetën profesionale me atë personale dhe nevojën për përkujdesje për familjarët në varësi.

III.2. Nxitja e sipërmarrjes dhe punësimit të grave e të rejave, si dhe rritja e aksesit të tyre në shërbimet e produktet financiare dhe burimet produktive

Objektivi 4

IV.1. Përmirësimi i elementëve të sigurisë dhe mbrojtjes në hapësirat publike, si dhe rritja e informimit mbi Rezolutën 1325 "Gruaja, Paqja, Siguria".

IV.2. Fuqizimi dhe rritja e efikasitetit të Mekanizmit të Koordinuar të Referimit kundër dhunës në familje dhe dhunës me bazë gjinore.

Rezultatet e pritshme:

I.a. Përgjegjshmëria dhe transparencja e bashkisë mbi përmbushjen e angazhimeve publike për barazinë gjinore, e rritur ndjeshëm.

I.b. Buxheti i përgjigjshëm gjinor i zbatuar në përputhje me legjislacionin në fuqi dhe perspektiva gjinore e përfshirë në rezultatet e pritshme:

II.a. Një brez i ri i barazisë i krijuar, që lufton stereotipet gjinore, praktikatat e dëmshme dhe diskriminimin apo disavantazhimin e shumëfishtë.

II.b. Informimi mbi përgjegjësitë prindërore dhe rolin e të dy prindërve në rritjen dhe edukimin e fëmijëve të tyre duke luftuar stereotipet gjinore dhe praktikatat e dëmshme, i rritur ndjeshëm.

III.a. Veprimet e bashkisë për të krijuar një mjedis punësimi ku harmonizohet jeta personale me atë profesionale, të rritura ndjeshëm.

III.b. Masat që synojnë nxitjen e sipërmarrjes së grave dhe të rejave, të përshtatura me nevojat e tyre specifike.

IV.a. Informimi dhe elementët e sigurisë dhe mbrojtjes në hapësirat publike e private, të rritura ndjeshëm.

IV.b. Mekanizmi i Koordinuar i Referimit kundër dhunës në familje dhe dhunës me bazë gjinore, i fuqizuar dhe efikas.

Ju ftojme që të votoni projekt –vendimin e paraqitur.

SEKTORI I MBROJTJES SOCIALE.

Ludjana Elezi





REPUBLIKA E SHQIPËRISË
BASHKIA GRAMSH
KËSHILLI BASHKIAK

Nr. 3959 / Prot
1

Gramsh, më 08.09 /2025

PROJEKT
V E N D I M

Nr. __, datë __. __. 2025

**Të miratojë "Planin Vendor të Veprimit për Barazinë Gjinore 2025-2027" për
Bashkinë Gramsh.**

Në mbështetje të Ligjit Nr.139/2015 "Për vetëqeverisjen vendore", neni 21 pika 1 dhe 3 neni 22 shtet dhe neni 7, gërma "b"; Ligjin 121/2016 "Për shqiptarët e kujdesit shoqëror në Epubliken e Shqipërisë, Ligjin nr.9970 datë 24.07.2008 për barazi gjinore në shtet", si dhe dokumentacioni i paraqitur nga Sektori i mbrojtjes Sociale Bashkia Gramsh, me propozim të Kryetarit të Bashkisë, Këshilli Bashkiak,

V E N D O S I:

1. Të miratojë "Planin Vendor të Veprimit për Barazinë Gjinore 2025-2027" bashkëlidhur këtij vendimi.
2. Ngarkohet Drejtoria e Shërbimeve dhe Mbrojtjes Sociale dhe Drejtoria e Shërbimeve Mbështetëse dhe Financës për zbatimin e këtij vendimi.
3. Ky vendim hyn në fuqi sipas përcaktimeve të pikës 6, të neni 55, të ligjit nr. 139/2015, "Për vetëqeverisjen vendore", (i ndryshuar).

SEKRETARI KËSHILLIT

Xhulja GJINI

KRYETARI KËSHILLIT

Enis ZANI

Konceptoi : Xh.Gjini
Pranoi:
Miratoi : E. Zani
Konfirmoi :
Dosja nr : _____
Afati i ruajtjes: _____